



Nuuk ulloq 05. septembari - 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

1. Naalakkersuisut pilersaaruteqarnerlutik Rigshospitaliinnangitsoq danskilli napparsiviinik arlalinnik suleqateqalernissaminnut peqqissaasutut ilinniartut ilinniarnerninnut atatillugu sungiusaatigalugu sullivissaqartinniarlugit?

2. Naalakkersuisut pilersaarusiorsimanerlugu suut isumaginiarnerlugit napparsimasortatta utoqqartattalu peqqissaqarfimmi maannakkut annikillisarneqarsimaqisumi eqqortumik ikiorneqarnissaat pillugu?

3. Innuttaaqatitta napparsimasut maannakkut napparsimavinni ikiortariaqartut eqqarsaatigalugit suut paaqqinninnissat nakorsaatillu tunniunnissaat ajornakusoorpat?

4. Peqqinnissaqarfimmi atorfiit qassit inuttaqanngillat imaluunniit sivikitsumik paarlattaasussanit ullumikkut inuttaqartinneqarpat? - Napparsimavinnut aamma/ imaluunniit distriktinut agguarlugit.

5. Qanor ilinniarsimasut peqqinnissaqarfimmi sulisussarsiarissallugit ajornarpat aamma sooq?

- Ajornangippat ilinniagaat tunngavigalugit agguarlugit tunngavilersuinertalerlugit.

6. Peqqinnissaqarfimmi sulisussanik amingaateqarnermut tunngasunik allanik soqutiginaatilinnik Naalakkersuisut paasissutiinnaappat?

7. Naalakkersuisut eqqarsaatigisimanerlugu peqqinnissaqarfimmi katsorsaariaatsit, sulisussarsioriaatsillu allanngortinnissaannut nutaamik eqqarsarniarlutik imaluunniit aamma immikkoortuni allani`

- Taamaassimappat qanoq? Suut pilersaarutaappat?

8. Naalakkersuisut ilisimanerlugu napparsimavimmi atortut suut amingaatigineqarnesut, qanoq akeqarnesut aamma aningaasat qassit immikkut pisariaqartinneqarnesut peqqinnissaqarfiup neqeroorutigisinnaassappagu pisariaqartitsineq naapertorlugu ikiuunnissani, ikiorsinnaajumallugit napparsimasortagut aamma utoqqartagut?

Tunngavilersuut:

Suleqatigiissitsisut paasitinneqarput napparsimasut ilaat piffissami matumani pisariaqartitsinertik naapertorlugu katsorsarneqarsinnaangitsut.

Napparsimasut peruluttut unitsinneqarsinnaangillat nakkutigineqarlutillu taamatullu pisariaqartitsinertik naapertorlugu katsorsarneqarsinnaangillat aamma aalajangersimasumik atorfillit tamarmik



SULEQATIGIISITSISUT
SAMARBEJDSPARTIET

ulaperuluttupilussuupput taamaakkaluartoq peqataanik Naalakkersuisut piffissaq eqqorlugu akissarsiat sulinermilu atukkat pillugit isumaqatigiissusiorsinnaannginnerini sulisut aalajangersimasumik atorfillit apoqattaartuarput assullu ulapipilutsinneqarlutik. Aamma nalunaarutigineqareerpoq siniffiit uninngavissat amingartut aamma sulisut amingartut. Tamanna sulisunut napparsimasunullu peqqinnangilaq taamaattumik tusarusupparput pissutsit aqqivinniarlugit sunik pilersaaruteqartoqarnerpoq.

Piffissap ingerlanerani aamma peqqissaasunngorniat ilinniarnermi atillugu sungiusaatigalugu suliffissarsiorput kisianni arlallit iluatsitsisinnaasimanatik, taamaattumik Samarbejdspartiet – Suleqatigiissitsisuni kaammattuutigissavarput ilinniarnermi atillugu suleqatissarsiortoqassasoq assersuutigalugu ilinniarnermi atillugu sungiusaatigalugu Danmarkimi suliffissanik pilersitsinikkut, soorlu anæstesimut peqqissaasut imaluunniit ilinniarnermi atillugu sungiusaatigalugu sullivissanik amingaatigisatsinnik allanik pilersitsinikkut.

Pilersaarutigineqarsinnaasuuppat Danmarkimi napparsimavinnik arlalinnik suleqateqalernissaq iluaqusiinnaagaluarpoq sulisussarsiornermi, ilinniarnermi atillugu sungiusaatigalugu suliffissatigit taamatullu siunissami suleqatigiinnissakkut.

Kissaatiginassagaluarporluunniit tusassallugu peqqinnissaqarfimmi maannakkut siunissamilu unamminartoqarfiussaqsumi nutaamik eqqarsalernissamut Naalakkersuisut pilersaaruteqartut.

Danmarkimi assersuutigalugu takusarparput napparsimavimmut unitsitsinani nakorsartittoqartartoq imaluunniit sivikitsuinnarmik unitsitaalluni nakorsartittoqartartoq.

Atortut, sulisut katsorsaanermullu pilersaarutit eqqortut piginerisigut peqqinnissaqarfiup ilaa pitsanngorsaavigineqarsinnaavoq, maannakkut sulisooreersut atorlugit.

Kissaatiginassagaluqaq qulaani pineqartut pillugit Naalakkersuisut eqqarsaataat tusassallugit.

Apeqqutit akeqquneqarput ullut sulliviit qulit iluanni.

Tillie Martinussen

Samarbejdspartiet - Suleqatigiissitsisut